

# Канон Нерукотворному образу Господа нашего Иисуса Христа

*Празднуем 16 (29) августа*

## *Тропарь, глас 2*

Пречистому образу Твоему поклоняемся, Благий, просяще прощения прегрешений наших, Христе Боже: волею бо благоволил еси плотию взыти на крест, да избавиши, яже создал еси, от работы врагу. Темже благодарственно вопием Ти: радости исполнил еси вся, Спасе наш, пришедый спасти мир.

## *Глас 6-й*

### *Песнь 1*

*Ирмос:* Яко по сѹху пешешествовав Израиль по бѣдне стопами, гонителя фараона видя потопляема, Богу побѣдную песнь поим, вопияше.

Припев: Слава Тебе, Боже наш, слава Тебе.

Плѣтски изобразитися по нам, Иже прежде Безплѣтный, благоволением Отчим, не отвергйся зрака, дарова нам Божественное изображение.

Слава Тебе, Боже наш, слава Тебе.

Неизменное естество, Отчий предел известнейший, в человеческую плоть пришедый свойства на земли оставил есть нам, возшедый на Небеса.

Слава Тебе, Боже наш, слава Тебе.

Колѣблемое лѣстию сопротивных достояние Твое оправдал еси Христе, честными Твоими сие утвердив страстьми, и зрака изображением.

*Слава:* Подобаше принестися к Царствующему всеми грады, Небесе и земли Царя образа начертанию, еже Он воплощется

самодѣтельно омочилъ есть, царя и христоролюбивыхъ поспешеньми.

*И ныне:* Отъ чистыхъ Твоихъ ложеснъ преестественно плоть заимствовавый, Иже всемъ подай еже быти человекомъ, Пренепорочная, видящаяся, не отступль, идеже бе первее.

### *Песнь 3*

*Ирмос:* Нестъ Святъ, якоже Ты, Господи Боже мой, вознесый рогъ верныхъ Твоихъ, Блаже, и утвердивый насъ на камени исповѣданія Твоего.

Слава Тебѣ, Боже нашъ, слава Тебѣ.

Одежду добродѣтелей одеялъ еси, Спасе, честную Церковь, подвигнувъ цареву сердце, защищение взыскаши Твоего подобія.

Слава Тебѣ, Боже нашъ, слава Тебѣ.

Обнажити хотя добрая, и временемъ умалити, иже зависти родитель, рукамъ сквернымъ сия предаде безстыдне, но обличися, все помышляя.

Слава Тебѣ, Боже нашъ, слава Тебѣ.

Светло радовался иногда Давидъ, ликуя предъ кивотомъ святымъ, и ныне скиптры приемъ управляти царския, множае радуется Божественному изображению.

*Слава:* Тебѣ, создавшему человека по образу первее, во еже вообразился еси абие за милосердие, темъ приемша Тя воистинну подобие неизменное, со Ангелы, Христѣ, славимъ.

*И ныне:* Изъ корене всяко отсеци праотца хотяи Твой Сынъ, Дево, прозябшее преслушание, изъ чрева Твоего, Чистая, приемлетъ все человеческое.

### *Седален, глас 1-й*

Едесский царь всехъ Царя, не скиптры, ниже вои, но множества чудесъ словомъ износящаго, познавъ Тя, моляше богочеловечное къ себѣ получиши, во образе же яко узрѣ Тя, зываше: Богъ Ты и Господь.

### *Песнь 4*

*Ирмос:* Христосъ моя сила, Богъ и Господь, честная Церковь

боголёпно поёт взываючи, от смýсла чýста, о Гóсподе прáзднуючи.

Слáва Тебé, Бóже наш, слáва Тебé.

Слáдкое úбо солнце, озаряющее очеса, сладчайшее же зрénие Твоегó, Христé, подóбия, я́ко то úбо чýвственная, сие же умная свет озаряет.

Слáва Тебé, Бóже наш, слáва Тебé.

Крéпость оскудé исмаильтэская: десни́цы бо ору́жия крэстнаго все ограждéние державномóдренный царь в своéй землé положи́.

*Слава:* Кня́зи вси и суди́и земл́и, благослови́те Христá с первосвящénники и святители днесь и все́ми людми́, Тогó зрénия сподóбльшиися.

*И ныне:* Соблюде́нну бы́ти Твоему́ граду, Пречистая, невредíмо, от нашéствия вáрварскаго, моли́ся, мо́лимся, се бо коли́ко нань наветни́цы созида́ют.

### *Песнь 5*

*Ирмос:* Бóжиим свéтом Твои́м, Бла́же, у́ренующих Ти дýши любóвию озари́ молю́ся: Тя ве́дети, Сло́ве Бóжий, Истиннаго Бóга, от мра́ка грехóвнаго взыва́юща.

Слáва Тебé, Бóже наш, слáва Тебé.

Мал Тебе град приятелище дрéвле предугото́ва Христé, егóже Фаддéя пришéствие недúт пременяет, и руки́ Твоея́ писáние и Божéственное напечатáние лица́ Твоегó.

Слáва Тебé, Бóже наш, слáва Тебé.

Благода́тей Твои́х даровáния, Христé, преумно́жишася: я́же бо пёрвее Едес не́дрствовавши хваля́щеся, но́вый же приёмши Рим, радуется.

*Слава:* Очи Госпóдни на прáведныя цар́и, и úши на моли́тву царéй благочестивномóдрствующих, чтúщим Его подóбие благолёпно самопи́санное.

*И ныне:* Уста́ви, Дéво, врагóв настоя́ния чáстая, разруши́ сове́ты их, достоя́нию Твоему́ помози́: зри́ши бо, я́ко отча́яхомся озлбóленнии.

## *Песнь 6*

*Ирмос:* Ят бысть, но не удержан в персех китовых Иона: Твой бо образ нося, Страдавшаго, и погребению давшагося, яко от чертога от зверя изыде. Приглашало же кустодии: хранящий суетная и ложная, милость сию оставил естé.

Слава Тебé, Бóже наш, слава Тебé.

Краснейший добротою, Спасе, паче всех сыновъ человеческих: аще бо ни видения имяше, ниже доброты во время страсти, но сущим вся просвещаше, и являше Твоего зрака видение. Егóже подобия на обетшавшем руне изображéние, якоже сокровище нам даровася.

Слава Тебé, Бóже наш, слава Тебé.

Крепости нанесенныя от агарянскаго множества, якоже от иноплемennых кивот Израилю новому, лица Твоего ныне к сему даде изображéние Твое, Христé, и славу, юже стяжа: ниже бо подобаше лже, святая псом предпометати.

*Слава:* Не ведущу о Царствии Твоем Небеснем, к немуже нас, Благий, из тленных и долу лежащих возвел еси, Иже невещественными Херувимы неприступен снизшел еси даже до ада, Твоего апостола ко Авгарю, Христé, послал еси, таинственно умудряюща.

*И ныне:* От крепости руки Твоея, Спасе, ныне остах аз: но раны Твоя удалил еси от мене, молитвами неискусобратно Родшия Тя, Слове, да не оставиши мене бурей греховною погружатися, и люте плавати, Еди́не Избавителю.

### *Кондак, глас 2-й*

Неизреченнаго и Божественнаго Твоего к человеку смотрения, неописанное Слово Отчее, и образ исписанный, и богописанный победителен, ведуще неложнаго Твоего воплощения, почитаем, того лобызающе.

### *Икос*

Уверяя человеком Господь вочеловечения Своего тайну ужасную, самописует богомужный Свой образ на убрúсе, и первообразное úбо вознес от горы Елеонския, на престоле спосаждает Отчи, поклонятися от безтелесных Ангел.

Подобию же первообразнаго нам дарова поклоня́тися: Егóже объёмлюще душею же и сёрдцем, почита́ем, тогó лобыза́юще.

### *Песнь 7*

*Ирмос:* Отроцы в Вавилóне пёщнаго пла́мене не убо́яшася, но посреде́ пла́мене ввёржени, ороша́еми по́яху: благословён еси́ Гóсподи Бóже отец на́ших.

Сла́ва Тебе́, Бóже наш, сла́ва Тебе́.

Глаго́лом у́бо вся́ку болéзнь, Сло́ве Бóжий, отгна́л еси́, по земли́ ходя́й, но ко Отéческому престóлу восходя́й, изображе́нием исцеля́еши на́шу болéзнь.

Сла́ва Тебе́, Бóже наш, сла́ва Тебе́.

Сло́вом вся́ческая созда́вши и вообра́жся в чуждее, зра́ка Твоегó оста́вил есть нам сво́йственная, я́же подьёмлюще, в ра́дости весели́мся.

Сла́ва Тебе́, Бóже наш, сла́ва Тебе́.

От всея́ души́ поиска́в сво́йства Твоегó напеча́тание ве́рный царь, я́коже иска́ше, та́ко и получи́, Гóсподи, взаи́м обрёт Божéственного желáния исполне́ние.

*Слава:* К Боговидéнию óчи уготóвим, и досто́йно потщима́ся видети́ óбраз Христовъ всечестный, во спасéние на́ше.

*И ныне:* Осу́ждения дрéвняго разреши́ся челове́чество Рождество́м Твои́м: Тя бо Еди́ну небéс ширшую́ обрёт, Всенепоро́чная, Бог в Тя всели́ся.

### *Песнь 8*

*Ирмос:* За зако́ны отéческия блаже́ннии в Вавилóне ю́ноши предбéдствующе, царю́ющаго оплева́ша повелéние безúмное, и совоку́плени́и не свари́шася огнём, Держáвствующему досто́йную воспева́ху песнь: Гóспода по́йте дела́ и превозносите́ во вся ве́ки.

Сла́ва Тебе́, Бóже наш, сла́ва Тебе́.

Я́коже у́бо лицём к лицу́ надéющеся Тя, Гóспода, прийтí, вси гра́да избра́ннейшии лю́дие срéтение чудéсно Ти сотворя́ют, архиере́ов Божéственный предводя́й лик. На ихже ра́мех носимый и к достоя́нию Твоему́ влага́ем, Ще́дрый, почи́л еси́ в хра́ме Ма́тере Твоея́.

Сла́ва Тебе́, Бо́же наш, сла́ва Тебе́.

Уста́ незло́бивых дете́й к пророкоуби́йственному Тя дре́вле ше́ствующа гра́ду песносло́вяху, но сонм собо́рища еврейскаго беззако́нный, уби́йственную ру́ку воору́жаше свирепе́ющую на Тя. Ны́не же зако́нный град, вси кúпно предте́кшии я́ко Содо́теля, Тя зря, ра́дуется, прие́мля образ зра́ка Твоего́.

*Слава:* Па́че Моисе́я Богови́дца, Богопи́санныя скрижа́ли прие́мшаго, возвели́чился еси́ честны́й местонача́льниче, прие́м честное́ послание́ Бо́жия Сло́ва, блажа́щее Тя благоче́стию ве́ровавшаго, и́же ника́коже ви́де чудодо́йствия.

*И ны́не:* Плоть произво́ливый носíti, Вели́каго Совета́ Отча́ Ангел, во утробе́ Твое́й, Пречи́стая, соверше́нно де́йствовася, и Тя, Ма́терь, до́ле описá, Чи́стая, и истле́вшее обнови́ челове́ческое естество́. Егóже благосло́вим вси я́ко Зижди́теля, и превозно́сим во вся ве́ки.

## *Песнь 9*

*Ирмос:* Стра́нствия Влады́чня, и Безсме́ртныя Трапéзы на Го́рнем ме́сте, вы́сокими умы́, ве́рнии, приидíte, наслади́мся возше́дша Сло́ва, от Сло́ва научи́вшися, Егóже велича́ем.

Сла́ва Тебе́, Бо́же наш, сла́ва Тебе́.

Изблева́ на Тя наро́д неразу́мный, Спа́се, и вме́сто благоде́тельства безме́стная дерзостне́ Ти протяже́, но мы, и́же далéче отстоя́щая, страстьми́ Твоими́ сыноположи́хомся.

Сла́ва Тебе́, Бо́же наш, сла́ва Тебе́.

По́мощь на враги́, благоче́стивым и ве́рным пода́ждь царём, я́ко зна́мение плóти Твоея́, я́коже необори́мое, Влады́ко, стяжавше́ огражде́ние, си́ми да ви́дят спасе́ние свое́.

*Слава:* Образе́ неизме́нный, Оте́ч, Сия́ние сла́вы Присносу́щнаго Све́та, печа́ть Вы́шняго, Сло́ве, Си́ло и Му́дросте, Тя богосло́влящим Благопремени́тель бу́ди.

*И ны́не:* Ви́дено бысть на земли́ плотоно́сное Сло́во, сугубо́ естество́м из Тебе́, Всенепоро́чная, воздая́нием Божества́, в еди́ной Ипостáси, несме́сне соедини́вся смешению́, Егóже сла́вим.